

✓

**ҚОРАҚАЛПОҒИСТОН РЕСПУБЛИКАСИ  
ВАЗИРЛАР КЕНГАШИНИНГ РАЙСИ  
ҚАРАҚАЛПАҚСТАН РЕСПУБЛИКАСЫ  
МИНИСТРЛАР КЕҢЕСИНИҢ БАСЛЫҒЫ**

---



Н.Ерлепесовга  
М.Жумановга  
С.Хожаметовга  
С.Турмановга

ИИБ (А.Темирханов)га

Бандлик ва меҳнат муносабатлари вазирлиги  
(Ю.Алимов)га

Соғлиқни сақлаш вазирлиги (М.Курбанов)га

Халқ таълими вазирлиги (Р.Реимов)га

Қишлоқ хўжалиги вазирлиги (А.Якубов)га

ҚҚ фермер, деҳқон хўжаликлари ва томорқа ер эгалари  
Кенгаши (К.Нуриббетов)га

Маҳалла ва оилани қўллаб-қувватлаш вазирлиги  
(М.Ахмедова)га

ҚР Касаба уюшмалари ташкилотлари бирлашмаси  
кенгаши (У.Жалменов)га

Вазирликлар ва идоралар раҳбарларига (рўйхат бўйича)  
Шаҳар ва туманлар ҳокимликларига

Мазкур баённомадаги топшириқларни ўз вақтида ва сифатли бажарилишини таъминлаш чораларини кўришингизни ва амалга оширилган ишлар юзасидан ҳар ойнинг 10 санасига қадар Миллий комиссияга киритиб борилишини таъминлашингизни сўрайман.

Бажарувчи: О.Сапаров  
Б.Аймбетов, А.Уразимбетов, Г.Бахиева

№ 5/1075 ✓

Қ.САРИЕВ

30.03.2021й.



ODAM SAVDOSIGA VA MAJBURIY MEHNATGA  
QARSHI KURASHISH MILLIY KOMISSIYASI

2021 yil " 29 " mart

01-22-14/685 -sonli

Toshkent sh.

Вазирлик ва идораларга  
(рўйхат асосида)


Қорақалпоғистон Республикаси  
Жўқорғи Кенгеси, Вазирлар  
Кенгаши, вилоятлар ва  
Тошкент шаҳар ҳокимлигига

Одам савдосига ва мажбурий меҳнатга қарши курашиш миллий комиссияси йиғилишининг 2021 йил 24 мартдаги 10-сонли баённомаси ижро учун юборилмоқда.

Сиздан, мазкур баённомадаги топшириқларни ўз вақтида ва сифатли бажарилишини таъминлаш чораларини кўришингизни ва амалга оширилган ишлар юзасидан ҳар ойнинг 10 санасига қадар ахборот киритиб борилишини таъминлашингизни сўраймиз.

Раис

 Т.К.Нарбаева



**Одам савдосига ва мажбурий меҳнатга қарши курашни миллий комиссиясининг  
2021 йил 24 мартдаги 10-сонли баённомасини  
тарқатиш варақаси**

1. Ички ишлар вазирлиги
2. Бандлик ва меҳнат муносабатлари вазирлиги
3. Бош прокуратура
4. Давлат хавфсизлик хизмати
5. Судьялар олий кенгаши
6. Олий суд
7. Ташқи ишлар вазирлиги
8. Адлия вазирлиги
9. Соғлиқни сақлаш вазирлиги
10. Иқтисодий тараққиёт ва камбағалликни қисқартириш вазирлиги
11. Мактабгача таълим вазирлиги
12. Халқ таълими вазирлиги
13. Олий таълим вазирлиги
14. Ахборот технологиялари ва коммуникацияларини ривожлантириш вазирлиги
15. Қишлоқ хўжалиги вазирлиги
16. Олий Мажлиснинг Инсон ҳуқуқлари бўйича вакили (Омбудсман)
17. Инсон ҳуқуқлари миллий марказ
18. Молия вазирлиги
19. Ўзбекистон Касаба уюшмалари Федерацияси
20. Ўзбекистон Савдо-саноат палатаси
21. Адвокатлар палатаси
22. Ўзбекистон фермер, деҳқон хўжаликлари ва томорқа ер эгалари кенгаши
23. “Ўзтўқимачиликсаноат” уюшмаси
24. Пахта-тўқимачилик кластерлари уюшмаси
25. Маҳалла ва оилани қўллаб-қувватлаш вазирлиги
26. Марказий банк
27. Юристлар малакасини ошириш маркази
28. Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил
29. “Худудий электр тармоқлари” акциядорлик жамияти
30. “Худудгазтаъминот” акциядорлик жамияти
31. Ёшлар ишлари агентлиги
32. “Ижтимоий фикр” республика жамоатчилиқ маркази
33. Олий Мажлис ҳузуридаги нодавлат нотижорат ташкилотларни ва фуқаролик жамияти институтларини қўллаб-қувватлаш жамоат фонди
34. Иш берувчилар конфедерацияси




35. Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги
36. Ўзбекистон миллий ахборот агентлиги
37. Ўзбекистон миллий телерадиокомпанияси
38. Қорақалпоғистон Республикаси Жўқорғи Кенгеси, Вазирлар Кенгаши, вилоятлар ва Тошкент шаҳар ҳокимлиги



## “ТАСДИҚЛАЙМАН”

Ўзбекистон Республикаси  
Олий Мажлиси Сенати Раиси, Одам  
савдосига ва мажбурий меҳнатга қарши  
курашиш миллий комиссияси раиси

 Т.К. Нарбаева

2021 йил 29 март

### Одам савдосига ва мажбурий меҳнатга қарши курашиш миллий комиссияси йиғилишининг 10-сонли БАЁННОМАСИ

2021 йил 24 март

Тошкент шаҳри

Раислик қилувчи: Т.К. Нарбаева – Комиссия раиси

Иштирок этувчилар: Миллий комиссия аъзолари, идоралар, ҳудудий  
комиссия аъзолари, оммавий ахборот воситалари  
вакиллари (рўйхат бўйича)

#### КУН ТАРТИБИ:

1. Одам савдосига ва мажбурий меҳнатга қарши курашиш  
миллий комиссияси томонидан амалга оширилган ишлар ва  
келгусидаги вазифалар тўғрисида.

2. Миллий маърузачи томонидан тайёрланган 2020 йилда одам  
савдосига ва мажбурий меҳнатга қарши курашиш соҳасида амалга  
оширилган ишлар юзасидан ахборотда билдирилган таклифларни ҳамда  
халқаро ташкилотларнинг тавсияларини амалиётга татбиқ этиш бўйича  
“йўл харитаси” лойиҳаси тўғрисида.

---

(Т.Нарбаева, Н.Хусанов, А.Икрамов, Ш.Шерматов, Р.Махмудова, Х.Ёдгоров, Ш.Абдурахманов,  
Б.Зарипов, Ф.Эрматов, Т.Нарбаева)

Йиғилишда Одам савдосига ва мажбурий меҳнатга қарши курашиш  
миллий комиссияси томонидан 2020 йил давомида амалга оширилган ишлар  
муҳокама қилинди.

Маълумки, Ўзбекистон Республикаси Президентининг 2019 йил  
30 июлдаги ПФ-5775-сонли Фармонида асосан Миллий маърузачи институти  
жорий этилган бўлиб, Миллий маърузачига одам савдосига ва мажбурий  
меҳнатга қарши курашиш соҳасида амалга оширилаётган ишлар ва мавжуд  
муаммолар бўйича Ўзбекистон Республикаси Президентига ҳар йили ахборот  
киритиш белгиланган.

Шу мақсадда Миллий маърузачи томонидан 2020 йилда амалга оширилган ишлар атрофлича таҳлил қилиниб, Ўзбекистон Республикаси Президентига ахборот киритилди.

Ахборотда ушбу йўналишда амалга оширилган ишлар билан бир қаторда муаммолар ва уларни ҳал этиш бўйича таклифлар акс эттирилди.

Мажлисида Миллий маърузачи томонидан тайёрланган 2020 йилда одам савдосига ва мажбурий меҳнатга қарши курашиш соҳасида амалга оширилган ишлар тўғрисидаги ахборотда билдирилган таклифларни ҳамда жорий йилнинг 27 январь кунги ўтказилган “Муносиб меҳнат орқали барқарор ривожланиш сари” мавзусидаги давра суҳбатида ҳақаро экспертлар томонидан билдирилган тавсияларни амалиётга татбиқ этиш бўйича ишлаб чиқилган “йўл харитаси” лойиҳаси кўриб чиқилди.

Шунингдек, мажлисида Одам савдосига қарши курашиш ва Мажбурий меҳнатга қарши курашиш масалалари бўйича кичик комиссиялар ҳамда ҳудудий комиссиялар томонидан амалга оширилган ишлар, мавжуд муаммолар ва келгусидаги вазифалар танқидий муҳокама қилинди.

Комиссия аъзолари томонидан билдирилган фикр-мулоҳазалар ҳамда таклифларни инобатга олиб, Миллий комиссия **қарор қилади:**

1. Ўзбекистонда 2020 йилда одам савдосига ва мажбурий меҳнатга қарши курашиш соҳасида амалга оширилган ишлар юзасидан ахборот маълумот учун қабул қилинсин.

2. Одам савдосига қарши курашиш бўйича кичик комиссия ҳамда Андижон, Бухоро, Хоразм вилоятлари ҳудудий комиссиялари фаолияти етарли эмаслиги кўрсатиб ўтилсин.

3. Андижон (*Ш.Абдурахманов*), Бухоро (*Б.Зарипов*), Хоразм (*Ф.Эрманов*) вилоятлари ҳокимликлари:

бир ҳафта муддатда ҳудудий комиссия фаолиятини танқидий таҳлил қилсин ҳамда одам савдосига ва мажбурий меҳнатга қарши курашиш борасидаги ишларни ташкил этишда сусткашликка йўл қўйган масъул раҳбарларга нисбатан тегишли чора кўрсин;

ўн кун муддатда ҳудудий комиссия аъзолари ўртасида вазифалар тақсимотини ишлаб чиқсин ҳамда ижроси юзасидан ҳудудий комиссия йиғилишларида уларнинг ахборотлари эшитиб борилишини йўлга қўйсин.

4. Миллий маърузачи томонидан 2020 йилда одам савдосига ва мажбурий меҳнатга қарши курашиш соҳасида амалга оширилган ишлар юзасидан тайёрланган ахборотда билдирилган таклифларни ҳамда халқаро ташкилотларнинг тавсияларини амалиётга татбиқ этиш бўйича “йўл харитаси” иловага асосан тасдиқлансин.



**5. Одам савдоси ва мажбурий меҳнатга қарши курашиш Миллий комиссияси аъзолари, тегишли вазирлик, идоралар ва ҳудудий ҳокимликлар:**

Миллий маърузачи томонидан 2020 йилда одам савдосига ва мажбурий меҳнатга қарши курашиш соҳасида амалга оширилган ишлар юзасидан тайёрланган ахборотда билдирилган таклифларни ҳамда халқаро ташкилотларнинг тавсияларини амалиётга татбиқ этиш бўйича “йўл харитаси”да белгиланган тадбирларнинг ўз вақтида ва сифатли бажарилишини таъминласин;

ҳар ой якуни бўйича “йўл харитаси”да белгиланган вазифалар ижроси юзасидан кичик комиссияларга (П.Бобожонов, Н.Хусанов) ахборот киритиб борсин;

корхона, ташкилот ва муассасаларда мажбурий меҳнатнинг ҳар қандай кўринишларига бутунлай барҳам бериш, ходимлар ўртасида мажбурий меҳнат тушунчалари юзасидан тарғибот ишларини ташкил этиш, уларнинг меҳнат ҳуқуқлари бузилиши ҳолатларини тезкор аниқлаш ва олдини олиш бўйича зарур чораларни белгиласин ҳамда амалга оширилишини таъминласин.

**6. Ички ишлар вазирлиги (П.Бобожонов), Бандлик ва меҳнат муносабатлари вазирлиги (Н.Хусанов):**

“йўл харитаси”да белгиланган вазифаларнинг масъул вазирлик, идоралар томонидан ўз вақтида ва сифатли бажарилишини назорат қилсин ҳамда ижроси юзасидан ҳар ойда Миллий комиссияга ахборот киритсин;

бир ой муддатда 2020 йилда одам савдосига ва мажбурий меҳнатга қарши курашиш соҳасида амалга оширилган ишлар юзасидан ахборотни ўзбек, рус ва инглиз тилларида чоп этиб, тегишли вазирлик, дораларга ҳамда Қорақалпоғистон Ресепубликаси Вазирлар Кенгашига, вилоятлар ва Тошкент шаҳар ҳокимликларига етказсин;

Бош прокуратура (Э.Юлдашев), Ахборот ва оммавий коммуникациялар агентлиги (А.Ходжаев) билан биргаликда бир ҳафта муддатда одам савдосига ва мажбурий меҳнатга қарши курашиш борасида амалга оширилаётган ишлар юзасидан кенг жамоатчиликни хабардор қилиб бориш мақсадида матбуот анжуманлари ва брифинглар ташкил этиш календарь режасини ишлаб чиқсин ва амалга оширилишини таъминласин.

**7. Ташқи ишлар вазирлиги (А.Комилов)** 2020 йилда одам савдосига ва мажбурий меҳнатга қарши курашиш соҳасида амалга оширилган ишлар тўғрисидаги ахборотни Ўзбекистон Республикасидаги хорижий давлатларнинг элчихоналарига, халқаро ташкилотларга ҳамда Ўзбекистон Республикасининг чет элдаги элчихоналари орқали кенг халқаро ҳамжамиятга етказсин, шунингдек “Дунё” ахборот агентлиги орқали кенг ёритилишини таъминласин.



8. Бандлик ва меҳнат муносабатлари вазирлиги (Н.Хусанов) Касаба уюшмалари Федерацияси (К.Рафиқов), Савдо-саноат палатаси (А.Икрамов) билан ҳамкорликда бир ой муддатда ипакчилик, қурилиш, умумий овқатланиш ва тикув-тўқимачилик соҳаларидаги корхоналарда мажбурий меҳнатнинг олдини олиш, шу билан бирга, меҳнат қонунчилиги қоидаларига амал қилиниши, муносиб меҳнат шароитларини яратиш билан боғлиқ муаммоларни аниқлаш юзасидан мониторинг ўтказиш тартибини (методологиясини), графигини ишлаб чиқсин ҳамда келишиш учун Миллий комиссияга киритсин.

9. Ички ишлар вазирлиги (П.Бобожонов) тегишли вазирлик, идоралар билан биргаликда ўн кун муддатда одам савдосидан жабрланган ёки жабрланган деб тахмин қилинаётган шахсларни идентификация қилиш ваколатига эга бўлган вазирлик ва идораларнинг масъул ходимлари учун ўқувлар ташкил этиш режасини ҳамда дастурини ишлаб чиқсин ва ўқитилишини таъминласин.

10. Миллий комиссия аъзолари Олий суд раиси К.Камилов ва Судьялар олий Кенгаши раиси Х.Ёдгоровга судлар томонидан одам савдосига ва мажбурий меҳнатга оид жиноят ишлари ва қонунбузарликлар учун айбдор шахсларни жавобгарликка тортиш ҳолатларини, уларнинг содир этилишига сабаб бўлган шарт-шароитларни чуқур таҳлил қилиш ва натижаларини Олий суд Раёсатида муҳокама қилиш тавсия этилсин.

11. Маҳалла ва оилани қўллаб-қувватлаш вазирлиги (Р.Маматов) Ички ишлар вазирлиги (П.Бобожонов) билан биргаликда:

одам савдосидан жабрланган, узоқ муддат хорижда бўлиб қайтган ва депортация қилинган шахслар билан яқка тартибда суҳбатлар ташкил қилиб, уларнинг муаммоларини ўргансин, уларга зарур ҳуқуқий, тиббий, ижтимоий ва психологик ёрдам кўрсатиш, бандлигини таъминлаш, касб-хунарга ўқитиш орқали хорижий давлатларга қайта чиқиб кетишларининг олдини олиш чораларини кўрсин;

одам савдосига оид ҳар бир жиноятни маҳалла фаоллари ва кенг жамоатчилик иштирокида муҳокама қилишга ва бу каби ҳолатларнинг олдини олишга қаратилган тарғибот ва таъвифот ишларини ташкил этсин;

вазирлик тизимидаги ходимлар малакасини ошириш марказлари ўқув дастурларига одам савдоси ва мажбурий меҳнатнинг олдини олиш бўйича қонун ҳужжатларини амалиётга жорий этиш юзасидан алоҳида мавзулар киритилишини таъминласин;

ходимларни аттестациядан ўтказиш жараёнида уларнинг ушбу йўналишдаги билим ва кўникмаларига ҳам эътибор қаратилишини йўлга қўйсин.

✓ 12. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, ҳудудий комиссиялар:

икки ҳафта муддатда ҳудудда одам савдосига ва мажбурий меҳнатга қарши курашиш борасида амалга оширилаётган ишларни танқидий таҳлил қилган ҳолда, натижаларини ҳудудий комиссия йиғилишларида муҳокама қилсин;

ҳудуддаги муаммо ва камчиликларни бартараф этиш, шунингдек мазкур баённома билан тасдиқланган “йўл харитаси”да белгиланган топшириқларнинг ўз вақтида ва сифатли бажарилишини ташкил этиш бўйича 2021 йилга мўлжалланган тегишли чора-тадбирларни белгиласин ва ижросини таъминласин;

жорий йилнинг II чорагидан бошлаб иқтисодиётнинг турли тармоқларида мажбурий меҳнатнинг олдини олиш, меҳнат қонунчилиги талабларига риоя этилиши юзасидан ҳудудий мониторинг ўтказилишини ташкил этсин, ушбу мониторинг ишларига фуқаролик жамияти институтлари, журналистлар ва блогерларни жалб этиш чораларини кўрсин;

ҳудудий комиссия йиғилишларида тегишли соҳа раҳбарларининг хисоботлари эшитиб борилишини йўлга қўйсин ва мазкур топшириқлар ижроси юзасидан ҳар чорак якуни бўйича кейинги ойнинг 5 санасига қадар Миллий комиссияга ахборот киритсин. -

13. Ахборот ва оммавий коммуникациялар агентлигига (А.Ходжаев), Ўзбекистон Миллий телерадиокомпаниясига (А.Хаджаев), Ўзбекистон Миллий ахборот агентлигига (А.Кўчимов) мамлакатимизда одам савдосига ва мажбурий меҳнатга қарши курашиш борасида амалга оширилаётган ишларнинг оммавий ахборот воситалари орқали кенг ёритилишини ташкил этиш тавсия этилсин.

14. Ушбу Баённома Миллий комиссия аъзоларига, тегишли вазирлик ва идораларга, Қорақалпоғистон Республикаси Жўқорғи Кенгеси, Вазирлар Кенгаши, вилоятлар ва Тошкент шаҳар ҳокимликларига юборилсин.